

**Leeter masa
Jan
ma wuzlala nga dey maakar
Mey da ray
Leeter masa Jan ma wuzlala
nga dey maakar**

Leeter nga Jan nga dey maakar a na, ara ngada ndaw nga Yesu daha mezəley Gayus. Annga ndaw daa mecəmey-ray nga ndəhay nga Yesu masa ndəhay da hwad a fa cəmam dəy daa ba. Jan aa həmda Gayus maja annga fa təba mey nga Gazlavay, a mbəkda ba (aya 2 haa 3).

Daa leeter e Jan taa guzley la saya da ray Diyawtəref leŋ da ray Demetəriyus. Diyawtəref na, a wudey nga key bay-ray, ama aa guzley mey saw da ray Jan, a təbta ndəhay nga Yesu masa mələk hay ma diyam a way annga ba, asaya, a bəltə ndəhay ma təbmata mələk hay a daa mecəmey-ray a (aya 9 haa 10). Ama Demetəriyus na, ndəhay faa həmdamara, annga fa key cek maaya (aya 12).

Daa leeter keđe na, mey hay mahura maakar daha:

Metəbey ndəhay nga Yesu masa mələk hay
Mey da ray mewudey-vaw
Menjey daa mey nga Gazlavay mandaw mandaw.
daw.

Mecey-har

¹ Ara yah, ndaw-maraw * da wuzlah bay-ray hay nga ndəhay nga Yesu ma wuzlala dferewel kefe.

Ya wuzlala ngada kah, Gayus, jam adaw masa yah ma wudfa fara fara.

² Jam adaw, ya səra menjey akah daa cəved nga *Gazlavay anga maaya. Ya wudey ka njey ta zazay, cek nga kaka ba.

³ Ya taa səmey la ga ta pas masa məlma aləkwa hay ma samawa, maja ta kam sede la da ray kah, a ləvmaya, kah ndaw ma səpa cəved nga Gazlavay fara fara, ka fa key cek mandaw mandaw anda mey masa fara fara ma ləvey.

⁴ Yaw, cek maa səmdaya ma fəna na, ara yah ma cənda bəz adaw hay fa səpmara mey masa fara fara.

Mey da ray mejəney ndəhay ma ka sləra nga Kəriste

⁵ Jam adaw, ka fa jənta məlma aləkwa hay daa *mecəmey-ray nga ndəhay nga *Yesu, kwa məlak hay may. Ngene ara cek ma wuzda kah ndaw ma key cek ta cəved e. ⁶ Məlman hay a ta kadamara la fa mey nga ndəhay daa mecəmey-ray fefe, a ləvam kah ta wudfa la kalah. Ya fa kaka ambahw amba ka jənta daa mepəkey ata. Ka da jənta ha na, anda Gazlavay ma wudey.

⁷ Səra, ata na, ta mbəkdamata way ata hay sem, fa pəkam nga key sləra ngada *Kəriste. Daa mepəkey ata ha na, cek da har ndəhay ma təba mey nga Yesu ba na, ta təbam daa ba. ⁸ Anda

* **1:1** 1.1 ndaw-maraw: Ndəhay a wulkam «ndaw-maraw» na, ara Jan. **1:1** 1 2Jη 1 **1:3** 3 2Jη 4 **1:5** 5-8 Heb 13.2 **1:6** 6 Tit 3.13

keɗe, aləkwa na, maaya ya jəntakwa ndəhay a, amba ya cəmkwa daa slam a ŋga wuzey mey masa fara fara.

Mey da ray ata Diyawtəref ta Demetəriyus

⁹ Ya ta wuzleley leeter mecəhe la a ndəhay daa mecəmey-ray akwar, ama Diyawtəref a wufey ŋga təba mey a ba, maja a wufey ŋga key *bay-ray ŋga ndəhay tabiya. ¹⁰ Da ray ŋgene, ta pas masa yah ma wusey la fa akwar na, ya kadakwara sləra hay maaya ba tabiya masa aŋga ma ka la. Anda meləvey, ya da kadakwara mey hay saw masa aŋga maa guzlda ta sələŋ masa aŋga ma ka da ray ala. Cek hay maaya ba masa aŋga ma ka na, ara keɗe daada ba. A gəmey ŋga təfta məlma aləkwa hay masa mələk hay ma diyam a way aŋga ba. Asaya, a təkta ndəhay daa mecəmey-ray masa ma wudam ŋga təbmata mələk hay a. A bəltə ndəhay ma təbmata mələk hay a daa mecəmey-ray.

¹¹⁻¹² Ama Demetəriyus na, ndəhay tabiya faa həmdamara. Menjey aŋga daa cəved fara fara fa wuzdərwa, aŋga ndaw maaya. Kwa ala may, ya ləvam kəne da ray a. Yaw, ka sərə mey masa ala maa guzldamara na, ara mey fara fara. Jam adaw, ndəhay ma kam cek hay maaya ba na, ka da key cek anda ata ba, ama key cek anda ndəhay ma kam cek maaya. Ndaw ma key cek maaya na, aŋga ndaw ŋga Gazlavay, ama ndaw ma key cek maaya ba na, a sərə Gazlavay ba.

Mey ŋga madagway-dakw

¹³ Ya wufey ngaa guzlka da ray cek hay ga, ama ya wufey nga wuzlalakawa ta wuzleley ba.

¹⁴ Ya fa wufey nga daw fa kah daa dar hay a kefe. Anda kefe, ya da njakwa cew e, ya kakwa maday.

¹⁵ Anja Gazlavay nga njadaka daa zazay. Jam akah hay fefe a camaka har. Catar har a jam alakwa hay fetefe pal pal tabiya may.

Mejəwey-mey Mawiya
Mofu-Gudur: Mejəwey-mey Mawiya New Testament
Le Nouveau Testament en langue Mofu-Gudur
(Cameroun)

copyright © 2007 Wycliffe Bible Translators, Inc.

Language: (Mofu-Gudur)

Contributor: Aramaic Bible Translation, Inc.

All rights reserved.

2020-11-19

PDF generated using Haiola and XeLaTeX on 21 Feb 2024 from source
files dated 29 Jan 2022

2b021919-36cf-59da-a35f-10c5e5548811